



Iniatsartunut ilaasortaq Malik Berthelsen, Siumut
/MAANI

Akilerarutit B-t appartinneqarnissaat pillugu § 37 naapertorlugu apeqquummut nr. 2012-246-mut akissut

Asasara Malik Berthelsen. Apeqquutinnut maanna akissuteqarfigisannut qujanaq.

Apeqquut 1

Aningaasarsiat B-t akilerarutitaasa appartinneqarsinnaanissaa Naalakkersuisut isumersorfigisimanerlugu?

AKISSUT:

Akilerarutininik allannguinnissamut, ukiaanerani ataatsimiinnermi suliarineqartumut atatillugu siunnersuutigineqarpoq aningaasarsianik B-nik akilerarusiisarnerup aningaasarsianik A-nik akilerarusiisarneq assigalugu 1 %-imik appartinneqarnissaa.

Taaguutit saniatigooralugu aningaasarsiat aamma aningaasarsiat B-t, apeqquutinnik tunngavilersuininni atukkavit suuneri tamatuma saniatigut erseqqissalaarusuppakka.

Aningaasarsiat akilerartarnermi A-nut B-nullu immikkoortitaapput. Aningaasarsiat A-t tassaapput akissarsiat nalinginnaasut, aningaasarsiallu B-t amerlanersaat tassaallutik namminersorluni inuussutissarsiummik ingerlataqarluni sulinikkut aningaasarsiat.

Saniatigooralugu aningaasarsiat aamma aningaasarsiat B-t assigiinngitsuupput. Saniatigooralugu aningaasarsiat tassaagajupput innuttaasup nalinginnaasumik (akissarsiarisartakkami) aningaasarsiami saniatigut isertitai. Saniatigooralugu aningaasarsiat amerlanerit tassaapput aningaasarsiat A-t.

Apeqquummi innersuussutigineqarpoq akissarsiortut pensionisiallillu saniatigut aningaasarsiornissartik ornigigaluarlugu akilerarusiisarneq pissutigalugu tunuarsimaartartut. Taamaattumuna Naalakkersuisut 2025-mut pilersaarumminni "Siunissarput – illit uangalu akisussaaffipput"-mi tunngavilersuutitut oqaatigigaat sulinikkut aningaasarsiat akilerarusersorneqarnerat appartinneqassasoq.

Aamma isumaginninnikkut tunniunneqartartunik pisartut ajornartorsiutigilersinnaasat tassaavoq, allanik aningaasarsiaqarunik isumaginninnikkut pisartakkaminnik ilanngaaffigineqarsinnaanertik, tamanalu inuit saniatigooralugu aningaasarsiaqarnissamut tunuarsimaarnerannik kinguneqarsinnaavoq. Taamaattumik Naalakkersuisut akilerartarnerup, ineqarnerup isumaginninnerullu iluanni nutarterinnerminni alloriarnissami tullermi maleruagassanik misissuiniarput, sulinerup imminut akilersinnaanerunissaa qulakkeerniarlugu.

7-11- 2012
Sagsnr. 2012-
075780
Dok. Nr. 1047727

Postboks 1605
3900 Nuuk
Tlf. (+299) 34 50 00
Fax (+299) 32 20 42
E-mail:
tax@nanoq.gl
www.nanoq.gl

Apeqquut 2

Akileraarutit B-t annertussusiat (42-45 %) assersuutigalugu 35 %-inut apparneqartuuppat nunatta karsianut qanormita naleqassava?

AKISSUT:

2010-mi akileraarutit kisitsisitaat, naatsorsuinissamut tunngavissat nutaanersarisaat tunngavigalugit annaaneqartussat minnerpaamik 100 – 150 mio. kr.-iusussatut naatsorsorneqarput. Aningaasarsiat kommuninut immikkoortiterneqarsinnaasimangillat, soorluttaaq aamma tunisatigut aningaasarsiat immikkut naatsorsorneqarsinnaasimangitsut.

Inussiarnersumik inuulluaqqusillunga
Med venlig hilsen

Maliina Abelsen